



14049

kat.komp.

III

Mag. St. Dr.

P

*paneg. Ioannis Rosae Prusianus*

PANEG. et VITAE

Polon. Fol.

№ 93.







# ROSÆ BROSCIANÆ

7 X

Spatioso D. IAGELONIS campo natae,  
INCLYTÆ DOMVS GEMBICIANÆ

FASCIIS obuolutæ,  
*Peraugusti Capituli Cracouien. Coronis exornatae,*  
*Solis Iustitiæ CHRISTI vigore matura,*

Anno proximè elapso  
Furente MORTIS Falce succisæ.

Q V A S

Ad Anniuerfariam ILLVSTRIS & Adm. Rñdi. Dñi.

## D. JOANNIS BROSCIJ

Sac. Theol. & Medicinæ Doctoris.

*In Alma Academia Cracouiensi Professoris, Canonici Cracoui-  
en: Præpositi Stasouiensis, Parochi Medirecensis, &c.*

D I E M

*In Aedibus D. ANNÆ, Sacro Deposito B. IOANNIS  
CANTII Claris.*

M. JOANNES DZIEDZIC, Collegij Vladislauiani Rhet. Professor.  
Stylo & Spiritu animatas suo fecit exhalare.

ANNO DOMINI,

ManDas, & reseCant, ah LibItIna rosas.

C R A C O V I Æ,

Apud LVCAM KVPISZ, S. R. M. Typographum.





*Jo. Chr. Proßowsky delin.*

*Joan. Alexand. Götzyn Em. sculp.*

Vt Jagelonicos inuiste **BROSCIVS** hortos  
 Pallas ei tribuit nobile stemma **ROSAS**,  
**FASCIA GEMBICII** nuceant ne frigora, cingit:  
 Myrtarum Cydari condecoratq; choris.  
**GEMBICII** Vite iam, iam, valete Coronæ  
 Quas **VO S** fouistis **SOL** fouet ipse **ROSAS**.

*Nicolaus BROSCIVS Carzelonien, Schola Rhet. Studiosus*



*Illustrissimis Ac Reuerendissimis Dominis, Dñis.*

PETRO, CRACOV: DVCI SEVERIÆ.

ANDREÆ, LVCEORIEN: & BRESTEN:

IOANNI, CVLMENSI & POMESANIÆ.

**G E M B I C I I S**

**GERMANIS FRATRIBVS.**

DEI GRATIÀ, Summi in terris CHRISTI Vica-  
rij Auctoritate, Regum Poloniae Iudicijs, Generis,  
Virtutum, Meritorumq; suorum splendore.

*PRÆSVLIBVS ac Mæcenatibus Amplissimis.*

S. P. P.



**T**RES ROSAS BROSCIANAS  
quibus fœralem ipsius tumbam in Anni-  
uersaria exequiarum pompa conspersi  
non alijs nisi vobis tribus offerendas ef-  
se indicaui. **ILLVSTRISSIMI**  
**& REVERENDISSIMI PRÆ-**  
**SVLES.** *Quantumcunq; enim vel hîc*  
*apud nos Sarmatas, exterarum vel apud gentes odoris virtutum,*  
*atq; doctrinarum sparserunt: quantumcunq; in ECCLE-*  
*SIA ROMANA, in SCHOLA IAGELONIANA, inq;*  
*vniversa POLONIA floruerunt; hoc totum ex VESTRIS*  
*GENTILITIIS FASCIIS, quibus illigatae erant abunde*  
*hauserunt. Illas primum ILLVSTRISSIMVS ac REVEREN-*  
*DISSIMVS LAURENTIVS GEMBICKI, GNESNEN-*  
*SIS ARCHIEPISCOPVS, REGNI PRIMAS PRI-*  
*MVSq; PRINCEPS, splendidissimum Ecclesie Lumen*  
*vester Patruus immortalis vitæ dignissimus, in Hippocratis*  
*& Galeni hortos inseruit; vberrimo beneficentiae liberalita-*  
*tisq;*



tisq; sua rore, raro sed imitando omnibus exemplo, irrigauit,  
 Erexit. Vos verò ILLVSTRISSIMI PRÆSVLES, è  
 quorum vita rerumq; felici successu gestimus lætitiâ, quàm  
 istas ROSAS vestris FASCIIS complexi, fueritis, MI-  
 TRISq; tutati, omnibus perspicuum. Tu PRINCEPS IL-  
 LVSTRISIME, easdem quantum foueris præsens suspe-  
 xit ætas, Et nuntia vetustatis loquetur historia. Qui inter  
 cetera, hoc maximum præstitisti, ut eas publicè ad sacros Cine-  
 res nostri B. PATRIARCHÆ CANTIJ Doctorali Tiarâ  
 ceterisq; insignibus coronares. Neq; TV ILLVSTRIS-  
 SIME LVCEORIEN. PRÆSVL minoribus istas ROSAS,  
 Tuæ beneficentiæ fauoribus cumulaisti; dum ab æstu nimio Et  
 procellis eas vario turbine impetentibus protexeris, earumq;  
 odore saluberrimo tam priuatim, quàm publicè; tam in Tuo  
 quàm in totius Diœcesis Tuæ curando corpore apprimè vsus fu-  
 eris. Maioribus fortasses Tuæ beneuolentiæ quàm expertæ erât,  
 cùm in Curia Magni Secretarij fungereris munere Fauonijs,  
 ILLVSTRISIME PRÆSVL CVLMEN. iam senè:  
 Etute rigentes afflauisses; nisi Et Tibi vlteriùs occasionem  
 fouendi eas; Et illis edax rerum omnium tempus fortunam  
 inuidisset. Quare accipite has ab inextpleto, Et nunquam saturo  
 Nouembri frigore constrictas, Et extinctas BROSCIANAS  
 ROSAS. Vestrae sunt, VESTRARVM FASCIARVM  
 fauoribus inuolutæ, promotæ, protectæ in media etiam hye-  
 me, suauissimum spirabunt odorem: quas unâ mecum, si-  
 mulq; (quod eadem ipsæ ore BROSCIANO quondam ab  
 ILLVSTRISSIMO PATRVO VESTRO obnixè po-  
 stulabant) ACADEMIAM bonarum Artium per totam  
 SARMATIAM, MATREM fouete, promouete, defendite.  
 DEVS O. M. VESTRAS CELSITVDINES diu ser-  
 uet incolumes. Datum ipsis Martinalibus à Collegio  
 VLADISLAVIANO CRACOVIAE.

Vestrarum Illustrissimarum & Reuerendissimarum.  
 Celsitudinum Fidele Mancipium,  
 M. JOANNES DZIEDZIC, Rhet: Professor.






# FVNESTVM MARTIS & MORTIS SPECTACVLVM.

IN QVO

Ille Fortes gladio, hæc fal-  
ce Doctos veluti Rosas le-  
ctissimas demessuit, deme-  
titq; Sarmatas.



Eminum duorum in Polonæ gen-  
tis excidium, coniuratorum Tyranno-  
rum MARTIS & MORTIS, hoc in  
deterius ruenti sæculo, non tam placu-  
it, quàm arcanâ quadam fatorum vi ad-  
actis nobis necesse fuit spectare specta-  
culum.

Quorum ille in vniuersa Russia, ceû in spatio o-  
B so aliquo,



so aliquo, & ad spectandum omnibus exporrecto theatro funestæ suæ tragœdiæ, Duces, Milites, veteranos, tyrones, aliosq; status & sexus diuersi homines Actores habuit: dum perduellium Cosacorum, & barbarorum Scytharum succinctus legionibus, lectissimum exercitus Polonici florem ense demessuit: Hæc verò plurimis stipata malis, doloribus & ærumnis quasi Militibus & stipendiarijs instructa, indiscriminatim illustres, ac vulgum, populares ac Regales animas, purpuratos & vili semitectam segmento plebem, nullarum, & omnium bonarum Artium promos condos, furente succidit falce, ac compede fatali vinctos, nec non captiuos ad subterraneos specus deturbauit. MARS quidem in acie vibrabat gladios; MORS in bustis expediebat ligones: MARS puluerem nitratum hostibus; MORS funalia vitæ functis incendebat: MARS victrici redimitus lauro classica, tibias, tympana, tormenta suscitabat; MORS ferali caput circumdata Cupresso altissimos tristi lyrarum, ductilium tubarum, campaniq; æris sonitu promouebat singultus. Ibi tubicines, tibicines, tympanistæ, libratores Martijs in ludis lætum præana resonabant; hîc non nisi Præficæ, Cantores, cæteraq; Musicorum turba funebres lessus tristesq; Næcias repetebant. Ibi prudentissimi ad decertandum cum hostibus castra describebant metatores: hîc MORTIS tributarij ad conuiuendum vermibus, vespillones notabant monumenta. Illic

*Frena ministrabat MARTIS Pavor & Armiger.*

(hunc enim cum Terrore illius equum ingeniosissimij Veritatis arbitri Poëtæ nobis effinxerunt,) istic furiosa Apocalypticum sortita gradarium Libitina cunctam Poloniam



loniam peragrauit. Illic trabeati in curru triumphali summo cum applausu Vrbes, ac Urbium capitolia ingrediebantur Victores: istic pullati homunciones in lecto ferali, maximo cum luctu ad ima Parentis Magnæ viscera mortalium cadauera deducebant. Atq; in hoc, tantoq; MARTIS & MORTIS spectaculo plura, quæ MOR S ad spectandum proponebat, nobis modò veniunt cogitanda. MAR S enim tantum in Russia Viros bellicosos; MOR S verò nedum ibi hos; sed quoq; per vniuersum Regnum Poloniæ Polonos omnes suos Spectatores & Actores habuit. Nihil illa nuper Reginalis dignitatis reuerita Maiestatem, prudentiæ Oculum, libram iustitiæ, sedem fortitudinis, regulam temperantiæ inuasit Regiam: ibi primùm Serenissimam CÆCILIAM Renatam, alteram Polonis HEDVIGIM natam, Reginam; post dulcissimam Parentum ac Reipub. prolem SIGISMVNDVM CASIMIRVM vix natum Principem; tandem verò Serenissimum & Victoriosissimum VLADISLAVM IV. Lunæ Otthomanicæ terrorem, fulminis Scythici debellatorem, Aquilæ Moschouiticæ triumphatorem, leonis Suetici, cui toties horrendas compressit fauces, domitorem, Regem Poloniæ summo cum gentis Polonæ luctu, non absq; lætæ Maiestatis crimine è viuis sustulit; sceptrum confregit, diademata Senatus, populiq; Poloni liberis suffragijs imposita, capite detraxit, comminuit. Nihil verita diras Sacrorum Canonum minas atq; fulmina; cum plurimos nedum inferioris subsellij Mystas; ast ipsum Illustrissimum ac Reuerendissimum D. MATTHIAM Lubinscium fermè SIMEONEM Sarmaticum primum Principem & Antistitem in Regno vitâ



spoliavit, Tiaras Pontificias, Pedumq; Sacrum profanavit. Flocci fecit excelsum, & inuictum robur animi Illustrissimi ac fortissimi HIEREMIÆ Ducis in Wisniowiec, rediit in afflicta nostra Patria Scipionis, dum illum oppressit; & quem MARS in acie tam diu pigneratus est, MOR S cuius bella sunt ad instar mercatus in lecto, suo toxico infectum prædata est. Hæc clauas Imperatoribus, figilla Regni Cancellarijs, consilia & prudentiam Laticlauijs, arcanorum Reginum notitiam Secretarijs, Virgas Marechalcis, legatis caduceas, præfecturas Capitaneis, Equestria decora Nobilibus, arma Militibus velut quædam spolia ademit, ac vitâ omnium non inuitâ spoliavit. Sic igitur vniuersam penè peruagata Poloniam, illustrioribus viris, nobilissimis Poloniæ floribus succisis, & abreptis, in ipsam optimarum artium officinam, eruditionis Emporium, Sapientiæ diuerforium, sedem doctrinarum, pietatis nidum, virtutum domicilium, Regum filiam, ac Regni totius SCHOLAM GENERALEM irruit. Forsitan discendi & in artibus proficiendi inflammata desiderio, illam ad Viros doctos diuertisse quisquam arbitrabitur? At omni sensu, quo ad scientiarum peruenitur fastigium destituta est, & ipso cerebro. Pertæsa fortè interim militiæ in Castris, molestiarum bellicarum in acie, aulicarum in Regia, rusticarum in agris, vitam vt tranquillam arriperet, huc descendit? Ast in hac Virtutum, & Literarum palæstra, graui & aperto labore, multo sudore, quotidianis vigilijs, assiduis contentionibus opus est. Ergò fortassis, vt ambitiosa vel laureas honoresq; prenfaret, Academicos; sibiq; liberum (quod multi Sophistæ exoptabant) ad docendum sterneret aditum; vel fortunâ Academicâ



cademicâ suam subleuaret inopiam? Atqui eam omnes titulos, ac nomina semper contempsisse, spartam laboriosam cum præiudicio aliorum, ut potè alienam à statione sua nihili curâsse, & paupertatem in hoc Musarum & Gratiarum augustissimo Sacrario (ubi LABOR SINE FRUCTU, attestante in Apocalypsi Sarmatico Demosthene Orichouio) optimè perspexisse didicimus. Irruit illa huc ut Viros, quâ pietate, quâ fide, quâ sapientiâ, quâ vitæ morumq; integritate conspicuos, per morbos suos fidissimos prodromos diuexaret, diuexatos cruciaret, excruciatos debilitaret, debilitatos frangeret, fractos tandem è laboriosis cathedris ad mutos & elingues sarcophagos; ex amænis Musæolis ad tristitia Mausolæa, è consortio hominum, ad conuietum vermium detruderet atq; deturbaret. Irruit illa huc, ut alios ex cathedris laboriosis ad otium perpetuum deijceret, alios à Musis canoris, ad Manes amufos & furdos pelleret, alios à pulpitis vocalibus, suffocato spiritu, vocisq; organis, ad feretrum mutum tacitamq; tumbam demoliretur. Ploramus eheu! nec lachrymas iustissimo cum mærore continere valemus, ob creptos his duobus lustris, sacrarum literarum Mystas Sacratissimos, Diuini humaniq; iuris moderatores consultissimos, humanæ salutis tutores ac conseruatores expertissimos, aliosq; in omni genere scientiarum eruditissimos, quos è nostro conspectu improba hæc rerum omnium depulatrix, subduxit, & ad obscuras latebras transmisit. Quid ego hîc renouem dolorem conceptum à Magnis in Ecclesia, Repub. & Academia Viris, ob creptum omni memoria dignissimum Virum MARTINVM CAM-

C

PIVM



PIVM VADOVIVM? quem velut Vnionem Theo-  
logorum nobilissimum, Doctorem in resoluendo subti-  
lissimum, in arguendo acutissimum, in docendo vltra  
annos quinquaginta felicissimum, ac facillimum, feralis  
invidit Parca & eripuit. Quid referam animos bono-  
rum mæstos ad memoriam IACOBIP IOTR O-  
VICCIJ, morum grauitate, Eruditionis ac Eloquen-  
tiæ sacræ gloriâ celeberrimi, iuuentutis ac Magnatum fi-  
liorum Præceptoris felicissimi magno omnium desiderio  
erepti? qui sæuissimo dolore ob ictum pedem excrucia-  
tus, vno & quinquaginta annis expletis, in ipso actu re-  
rum benè cedentium, è vinculis corporis ad supernam  
libertatem euasit. Quid reuocem ALBERTVM  
BOROVIVM Literarum Antistitem? quem ad Hu-  
manitatem, Philosophiam, ac Theologiam profitendam  
natum, discipulorum celebritate florentem, Mystam pi-  
etate in DEVM summa, in æde Cathedrali conscien-  
tiæ alienæ Iudicem prudentissimum, ac Verbi Diuini præ-  
conem disertissimum, in pauperes ac loca pia totius sui  
peculij effusorem largissimum, maximo cum mærore in-  
opum quarto & septuagesimo ætatis suæ natali, Anima  
defecit. Quorsum mentio facienda MATTHIÆ  
BLOS IJ Sac. Theol. Doct. ad S. FLORIANVM  
Decani? quem, Virum ætate grandæuum, moribus gra-  
uem, consuetudinum ACADEMICARVM Pa-  
trem obseruantissimum, solitudinis suo æuo cæteris a-  
mantio rem, laboris in ACADÉMICA statione  
cultorem tenacissimum, MOR S, non alibi quàm  
in Cathedra, inq; mediæ de Angelis lectione compre-  
hendit, & per Angelos (vt piè credimus) ad illam Pa-  
triam, vbi Beati æuo persfruuntur sempiterno, post exa-  
ctos



Etos octo & Septuaginta annos, deduxit. Quorsum  
 ad renouandam doloris cicatricem repetendus A D A-  
 MVS OPATOVIVS Sacr. Theol. Doct. Canon.  
 Cracou: Vir Sanctimoniæ vitæ, eruditioneq; insignis,  
 pauperum alendorum, & vestiendorum ad exemplum  
 memorandus, in omnes meritissimus? qui dum A CA-  
 D E M I A M per quinquaginta annos suis laboribus  
 ita iuuit, vt etiam scriptis varijs, & in S. T H O M A M  
 cōmentarijs editis illustraret, non modicis in E C C L E-  
 S I A & A C A D E M I A laboribus fractus, iustâ æ-  
 tate annorum septuaginta trium, languens excessit. Re-  
 crudefcit dolor, & ipsi oculi sponte soluuntur in lachry-  
 mas ad memoriam tantorum virorum occasus. Quis  
 non defleat J A C O B V M V I T E L I V M Sacr.  
 Theol. Doct. Canon. Cracou. vita immortalis dignissi-  
 mum? quem natura ad omne genus scientiarum, Eru-  
 ditionis, Linguarum peritiā finxit aptissimum, labor  
 exercuit promptissimum, virtus promotuit meritissimum.  
 Quis non lugeat eum? quem D E V S Opt. Max. Stu-  
 dioforum pauperum & bonorum ingeniorum fautorem  
 benignissimum, Magnatum prolis formandæ in Regno  
 Præceptorem celeberrimum, Oratorij Pietatis, Schola-  
 rum priuatarum, earundemq; Professorum Prouisorem  
 ac Promotorem vigilantissimum, Publica disputatione  
 Torunij in expurgando Caluinistico fermento clarissi-  
 mum, æquitate ac iustitia bono communi fouendo  
 natum R E C T O R E M, Procancellarium,  
 dum laureas alijs conferre pararet, ad lauream  
 immortalitatis anno ætatis suæ Sexagesimo Se-  
 cundo euocauit. Quis non lachrymetur amisso  
 P A V L O H E R C I O Sacr. Theol. Doct. Canon.



Cracou. patriâ Curzelouien: Philosopho subtilissimo,  
Theologo sapientissimo, Mathematicarum Artium a-  
mantissimo & peritissimo, Ducalium in Regno Fami-  
liarum Sobolis Instructore felicissimo, in D. J O A N-  
N E M C A N T I V M & pietate & liberalitate cul-  
tore memorando? Quis exterorum, præcipuè Silesi-  
orum ac Germanorum non ingemiscat suæ indigentiae  
Patrono ac Mæcenate adempto A D A M O D R A S K I,  
linguarum Græcæ, Hebraicæ ac Germanicæ peritissimo,  
antiquitatis amantissimo, rerum humanarum, honorum  
funerbrisq; pompæ exquisitæ contemptore, nec non toti-  
us sui peculij in pauperes Studiosos largissimo effusore?  
Cui non oborientur lachrymæ sibi erepto J A C O B O P A-  
P E N C O V I O V S T I E N S E, Sacr. Theol. & I. V.  
Doct. Romæ iuris publicè docēdi Soli Academiæ Cracou.  
concessi accurato defensore, & Cursus Vladislauiani  
primo prælectore? Quem non afficiet casus A N-  
D R E Æ L I P N I C I J Tyliciani Oratoris, ac  
Verbi Diuini præconis, qui cū S. Spiritus laudes ē  
suggestu spiraret, vegetus & immaturus media in con-  
cione exspirauit. A quo non excutient lachrymas obitus,  
S I G I S M V N D I G R E G E R O V I C I J, S. T. D.  
A N D R E Æ B I A Ł K O W S C I J, R A Y-  
M V N D I A L B E R T I S T R A Z Y C I J,  
M A T T H I Æ M A Z V R C O V I C I J, cæ-  
terorumq; in omni genere facultatum Virorum doctis-  
simorum, hac insigni & calamitosâ clade summo  
cum mœrore extinctorum. Luget lugebitq; V N I-  
V E R S I T A S nostra Virum, meritorum plenum  
J A C O B V M N A Y M A N O V I C I V M

Vtr.



Vtr. Iur. Doct. Canon. Crac. famâ toti Poloniæ notum,  
sedecies R E C T O R E M apud omnem Posteritatem  
memorandum; cuius dexteritate, ingenio, & animo, ex-  
tremo quodam suo discrimine liberata reflorescit. Quæret  
& queretur DD. Iurisperitorum Collegium amissos Iu-  
reconsultorū consultissimos. Illum STANISLAVM  
PVDŁOVIVM Vtr. Iur. Doct. & P. S. NI-  
COLAI Præpositum, Latinis, Cræcis, Mathematicis  
disciplinis egregiè excultum, probitate, prudentiâ, &  
solertiâ ingenij, magnâ constantiâ, ac labore maximo,  
magnis Principibus agendi, & consulendi dexteritatē val-  
de quàm gratum, & carum, binâ legatione ad Sedem A-  
postolicam pro A C A D E M I A & E P I S C O P O  
Cracou. illustrem, ah immaturâ morte, magno Litera-  
torum luctu ac desiderio creptum queretur! Illos  
Pontificij & Cæsarei Iuris Doctores, ac expositores,  
STANISLAVM CZAPLICIVM, JACO-  
BVM GORSCIVM, Canon. Crac. MATTHI-  
AM BVRSZEVICIVM, STANISLA-  
VM ROZICCIVM, ac tandem nudius tertius  
LAVRENTIVM, ALPHONSVMKARYN-  
SCIVM, Vtr. Iur. Doct. & Canon. Cracou. creptos  
iustissimè conqueretur. Lachrymabitur & multoties  
illachrymabitur tota Polonia hoc præsertim tempore,  
quo suum pestiferum virus furens exerit Parca, amissis,  
JNNOCENTIO PETRICIO, Tacito Polono,  
ANDREA WOLFOVICIO, Regno huic &  
doctissimis Italiæ Æsculapijs clarissimo, LAVRENTIO  
SMIESZKOVICIO, Eruditorum ocel-

D

lo, ac



lo, ac omnis puræ Elegantiæ Parente, & ob domicili-  
um in populares magnis sumptibus erectum Mæcenate  
memorando, MATTHIA WOINSCIO, JO-  
ANNE MITKOVIO, PAVLO MANKIE-  
VICIO. Philosophis & Medicis expertissimis, Ca-  
mænarum, ac Virorum in Repub. Magnorum corculis,  
quorum inclyto Cineri, ne Heraclitus quidem vnquam  
debitas persoluet lachrymas. O sæuissimam MOR-  
TEM! plusquam Tarquinianam Tyrannidem in Viros  
Literatos exercentem! Theologus alta speculetur, va-  
nam præsumptionem esse per Te discet. Legum pe-  
ritus in Tribunalibus fasces versari assuetus Tibi submit-  
tet; nullisq; exceptionibus, comperendinationibus, va-  
dimonijs, elusionibus, glossis, interpretationibus, legi-  
bus Tibi resistet. Medicus alibi expertissimus ob me-  
rum, mixtumq; in Reges & Dynastas imperium elatus  
caput inclinabit, inexpertum se fatebitur, ac coactus  
clamabit.

*Contra vim Mortis, non est medicamen in hortis.*

Fidat Logicus captiosis ratiunculis, insolescat argumen-  
tandi argutiâ, compellat multos ad inscitæ Confessio-  
nem, Tuorum elenchorum inscius ad incitas, & faccum  
redactus, dicet

*Linqvo coax ranis, cras coruis vanaq; vanis,*

*Ad Logicam pergo, quæ Mortis non timet Ergo.*

Ampullarijs verborum imaginibus, & ad fucum com-  
positis orationis coloribus desudet Orator, omnia à cæ-  
teris impetret, à Te nihil impetrare valere se certissimo  
fatebi-



fatebitur. Logista Stellarum, arenarum, & puluiscu-  
lorum colligat multitudinem, suorum dierum nume-  
rum à Te impeditus non colliget. Quantitatem syllaba-  
rum longam metiatur Poëta, molossos, spondæos, di-  
spondæos vitæ suæ imaginetur; choræos, trybrachos,  
proceleusmaticos, vel nullos sui nominis H O M O, &  
ominis recognoscet. Grammaticus Te declinabilem  
in Scholis doceat, indeclinabilem in fatali lecto Te ex-  
perietur. illudq; occinet

*Grammaticam multos didici, docuiq; per annos,  
Declinare tamen non potui, Moritur.*

Vtinam vel illis satis amplis, quos aula comebat, cam-  
pus fortiore sustentabat stipendio, vel his quos Acade-  
mia ornabat contenta spolijs, M O R S improba fuif-  
set: hunc, cuius mæsti Anniversariæ Exequiarum pom-  
pæ adsumus, anni præterlapsi curriculo, de vtrâq; Re-  
pub. Ciuem optimè meritum M. I O A N E M B R O -  
S C I V M, Sac. Theol. & Medic. Doctorem & Professo-  
rem, Can. Cracouien. è medio complexuq; nostro  
non eripuisset, minori damno Vniuersam Rempub. Li-  
terariam affecisset. Nunc verò tantò maiore omnes  
nos mœrore, quantò magis inter Viros Literatos excel-  
luit, compleuit. Vt enim Regina florum R O S A,  
quàm ille pro insigni gestauit, omnes alios flores o-  
dore, candoreq; longè præcellit; ita ille sui sæculi Poëtas  
ingeniosissimos, Oratores disertissimos, Philosophos a-  
cutissimos, Mathematicos perfectissimos, Medicos pro-  
batissimos. Iureconsultos consultissimos, Theologos  
profundissimos, si non superauit certè adæquauit, &



quæ alij singuli singula habuerunt, hoc ille totum as-  
secutus: adeò vt Encyclopædiam omnium Scientiarum,  
(nisi hostis personæ vel ignarus sis) quandam in eo  
fuisse dixeris. Vt primùm enim Curelouix Mathema-  
ticorum & Medicorum parente feracissima, post mille  
quingentos quarto septuagesimo lucem hanc aspexit  
suauissimam, vix primam lanuginem, & puerilem abiecit  
balbutiem, se Musarum sacris addixit; & iactis primùm  
humaniorum Literarum in Patria fundamentis, Craco-  
uiam sedem Elegantix, Literarum Domicilium, Musæ-  
um Orbis Sarmatici Anno 1603. se se contulit. Hic-  
que vt eò diligentius sub vexillis doctissimæ Palladis,  
contra ignorantiam mereretur stipendia, Clarissimo Vi-  
ro tunc exactæ Virtutis & Doctrinæ A L B E R T O  
B O R O V I O, se suaq; studia subiecit: deinde suasu  
& opera Clarissimi Doctoris S T A N I S L A I Curze-  
louien. sui popularis, Mathematicis studijs se totum de-  
uouit: ac tandem velut miles strenuus primâ in Phi-  
losophia laureâ insignitus Anno 1605. Sic spatiosum as-  
secutus campum, in quo Virtus eius magis posset de-  
currere, Mathematicas aliquot lectiones prælegit, pu-  
bem Polonam erudit; ac postea Artium Magister &  
Philosophiæ Doctor, in amplissima Eruditissimorum Vi-  
rorum Corona, solenni ritu Anno Dñi, 1610. est renun-  
tius. Publici igitur in SCHOLA Regni GENE-  
R A L I Professoris, spartam nactus I O A N N E S  
B R O S C I V S, varios Auctores euoluendos, & interpre-  
tandos aggreditur; iuuentutem Nobilem conuocat.  
Scholam aperit, Cathedram conscendit, mirus in o-  
mni Scientiarum genere erudiendæ pubis Artifex effici-  
tur.



tur. Missis autem Grammatices Rudimentis, in quibus ille optimè versatus extitit in arte Poëtica ita se gessit strenuè, ut vel quos veteres scripsere tragædiarum cothurnos, comædiarum foccos, Heröici carminis gravitatem, Lyricorum iucunditatem, Elegorum delicias, Iamborum amaritudinem, Epigrammatum lusum intelligere, explicare, castigare; vel ipse plurima facilè fingere & effingere Græcè, Latinèq; exprimere valuerit. Testes sunt publicam in lucem edita huiusce rei monumenta. Testes SEPTEM ad VRBANVM VIII. Pontificem Maximum SIDERA: Testes ad SERENISSIMOS SIGISMVNDVM III. VLADISLAVM IV. Reges Poloniarum Inuictissimos; ad JLLVSTRISSIMOS GEMBICIVM Gnesnè. SZYSKOVIVM, ZADZICIVM, Cracouiè. Antistites; ad IOANNEM VASTOVIVM, (qui Varmiaë libros sibi recluserat, Bonus Copernici ut Magni labor esset patens) Canonicum Varmien; ad aliosq; Sapientissimos & Illustres tam Nostrates, quàm Exteros Viros, varia ac multiplicia illius poemata. In Marci verò Tullij Palæstrâ, quantum excelluerit, satis Senatus Academicus probavit & approbavit tum; cum Magni Oratoris TYLICIJ Oratorem (qui non quibusq; sed in Eloquentia exercitatissimis defertur prælegendus) ab illo publicè prælegi voluit atq; designavit. Quid ego hîc Philosophicas Mathematicasq; disciplinas commemorare? in quibus per totum vitæ suæ curriculum versatus penè nihil aliud nisi Philosophiam ac Mathesim meditatus, nil etiam post fata sua tanto in pretio magis haberi voluit atq; ordinavit. Legit præsens ætas Mathematici ac Philosophici ipsius Studij multa opera: reuol-



uit Integrorum Arithmetica, sine instrumentis distan-  
tiarum Geodæsiæ, de Numeris Perfectis tractatum.  
Problemata Geometrica & Arithmetica plurima. Lo-  
cos antiquorum Scriptorum innumeros partim explica-  
tos, partim correctos, partim Geometricè & Arithme-  
ticè deductos & probatos. Leget & releget alia plu-  
rima, quibus Nouatores planam & sanam doctrinam  
Auctorum, ac receptam ab Ecclesiâ Catholicâ conuel-  
lentes, & opinionibus viam sectis inter se dissectis innu-  
meris sternentes, nec non certitudinem sciendi tollen-  
tes, refutauit. Teritur iam & teretur manibus cum  
summo totius Scholæ Peripateticæ oblectamento con-  
tra PETRVM RAMVM, pro Philosophorum & Ma-  
thematicorum Principibus, Euclide ac Aristotele, alijsq;  
Inclytæ Scientiarum Vniuersitati & Academiæ omni-  
um fecundæ Matri ACADEMIÆ PARISIENSI,  
eo anno, quo ipse Mortuus, Typis nata, consecrata APO-  
LOGIA. Diuino sanè consilio, ne totus moreretur.

*Multaq; pars sui Vitaret Libitinam.*

hoc opus in summum Reipub. Literariæ emolumentum  
Lectores præmissum iudicabunt; ad aliaq; plurima post  
sua fata edenda animos præparabunt. Nec in his tantum  
fixit pedem noster IOANNES BROSCIVS: Verum  
cum artes communi quodam vinculo coniunctas esse, &  
vni fonti Musas (vt Antiquitas censuit) assidere, arbitrare-  
tur; omnium Artium, Philosophiæ, Mathematicum, & Lin-  
guæ Græcæ munitus præsidij, in Galeni Hippocratisq;  
hortos GEMBICIANÆ Liberalitatis obuolutus FA-  
SCIA descendit. Vbi non cursim, vel perfunctoriè (quod  
multi leues absq; fructu suo faciunt) hanc vel illam  
herbam.



herbam decerpit, sed quæ natura cuiusq; aut virtus sit, doctissimos Æsculapios consulit, Apollinis oracula perquirat & obseruat, arcana tandem artis Apollinæ, laureamq; Eruditorum, Patauij in celeberrima Medicinæ Sede, Virorum Suffragijs, & suâ eruditione consequitur. Reuersus in Patriam, campum probandæ suæ virtutis & doctrinæ nactus Aulam Illustrissimi MARTINI SZYSKOVII Episc. Cracouiens. illucque ingressus, Iatrum prudentissimum egit; tantò maiori felicitate, atq; gloriâ Supremi Numinis auxilio; quantò eius successus Sol semper vidit optimos; errores tellus nunquam operuit lamentandos. Commoratus aliquantum in Aula Principis dum esset, Musæ canunt receptui; & vt AVLÆ Principis VALE; ACADEMIÆ. SALVE diceret sollicitant. Annuit ille, reuertitur, inter meritorios Collegas adsciscitur, ab imis per variarum Facultatum Professiones, ad supremas graditur; tandem ad summa Theologicæ Professionis peruenit fastigia. Vidisses tunc illum, inter Academici Senatus Patres Stoicam austeritatem, Catonianam grauitatem toto corpore spirantes, in sua statione Theologica fortiter argumentorum tela, contra se vibrata, retundentem; Achilles firmissimos frangentem; nodos difficultatum, plusquam Gordios non Alexandrino gladio, sed magnæ mentis genuino iudicio rescindentem. Vidisses Sacræ Theologiæ abdita referantem apertissimè, pugnantia conciliantem suauissimè, obscura explicantem facillimè, dubia dissoluentem sufficientissimè cognouisses. Siue enim aliquid è reconditis Linguæ Sacræ fontibus petendum esset; in eo versatus optimè erat: siue è concordi Do-



etorum sanctorumq; Patrum Senatusconsulto trahendum, non ignorauit: siue è ruderibus Antiquitatis longâ obliuione consepultis, in lucem posteritatis educendum, profundâ indagine rimatus est. Neque verò magis in Academia propter literatos quàm in Ecclesia propter rudiores Theologus esse voluit. Cùm enim non tantum Corporum; verum etiam Animarum humanarum esset Medicus, Medirecen. in Diœcesi Luccorienſi Parochiam per Illuſtriſſimum IOANNEM TECZYNIVM Palatinum, Cracouiē. Virorum ſuæ Domus Perantiquæ (heu Fata inuida) vltimum oblatam ſibi ſuſcepit. In qua plurimum, fermè ſedecim annis ad DEI Opt. Max. Gloriam, augmentum Eccleſiæ, Diœceſis illius emolumentum, Cleri totius ædificationem, deſudauit. Senſit Eccleſia legum ſuarum, ac iurium Patronum, defenſoremq; acerrimum: Audiuit Sacra Synodus Verbi Diuini præconem feruentiſſimum: vidit Clerus Myſtam Diuinorum Officiorum obſeruantiffimum. Non ille ſaluti propriæ ſumptibusq; pepercit, vt amplificaret Eccleſiam: non labori ceſſit; vt ampliffima per ſe Diœceſis caperet incrementa: non conſpectum hominum refugit, vt omnibus doctrinæ, virtutum, vitæ exemplo velut in theatro præluceret. Animaduertis Tu ILLVSTRIS- SIME PRÆSVL Luceorienſ. & non ſine doloris ſenſu multoties commemoras; quem, & qualem Paſtorem gregis DOMINICI in Eccleſia, Doctorem in Cathedra, amiſeris. Amiſiſti autem vigilantiffimum, prudentiffimum, Tuiq; ipſius amantiſſimum Sacerdotem. Qui vt ad Ouile CHRISTI Oves ſuperſtitionibus Græcorum,

rum,



rum infatuatas, & faucibus luporum ereptas, reduce-  
ret; Synodali, Tuoq; iussu, binas Apologias contra Anti-  
qui Calendarij errores edidit: quarum alteram ex Sacro-  
sanctis Patrum Concilijs, & consilijs; alteram ex Sacris  
Biblijs deduxit sapientissimè & probauit. Porro dum  
hæc ageret pro Ecclesia in Diœcesi Luceoricensi, in Aca-  
demia quoq; pro honore literario, vergente iam ætate  
sua ad declinuum labores Theologicos reassumit, pro lo-  
co Doctorali disputat; Doctoratus Sac. Theol. Laureâ,  
insignibusq;, ad Sacros BEATI CANTIJ Cineres, ab  
Illustrissimo & Reuerendissimo PETRO GEMBICKI  
ACADEMIÆ CANCELLARIO, iuxta præscriptum  
Legum, Statutorumq; Academicorum, in publico Ciui-  
um bonarum Artium Conuentu, donatur: Peraugusto  
Prælatorum, Canonicorumq; Collegio, Pontificum Se-  
minario adscribitur. Hi sunt igitur eius in artibus sci-  
entijsq; progressus: hi in Ecclesiæ, Academiæq; Hono-  
ribus successus, Quibus ille non ad inanis fastum gloriæ,  
ob nimium luxum; nec ad sui Suorumq; vilipendium,  
ob futurorum prouidam parsimoniam, sed ad laudem  
Diuinam, ACADEMIÆ ornamentum, Proximique  
vsum est subsidium. Omnes siquidem suæ fortunæ pro-  
uentus laboriosè, iustèq; acquisitos in Ecclesiam, Aca-  
demiæ, à quibus eosdem hauserat, refudit, copiosè.  
Sentit hætenus, sentietq; diutissimè suauissimos BRO-  
SCIANÆ liberalitatis odores Curelouicæ, ECCLE-  
SIÆ; cui non superstitioso Antiquorum more, sed Re-  
ligioso Christianorum ritu, ante Viuentis & cuncta Vi-  
dentis DEI conspectum, ignes perpetuò arsueros; RO-  
SARIVM de Sacratissimo CHRISTI CORPORE  
decantandum; SCHOLASTICVM, Scholæ RE-



CTOREM, ac Libros munificentissimè prouidit. Gaudet gaudebitq; Medirecensis ECCLESIA se bonis ab eo emptis cumulatam, candelabris argenteis ornatam, cæteraq; supellectili dotatam. Dolet dolebitq; Stasouensis BASILICA, sibi sublatum munificentissimum Restauratorem, ac dotatorem liberalissimum. Grata commemorabit munificentiam ACADEMIA BROSCIANAM, cuius rebus fortunisque accisis prudentissimè consuluit, dum Census à quindecim millenarijs Mensæ communi sui, quod inhabitabat Collegij partem vnam, alteram pro futura (dum DEVS voluerit) publica in numerum Sanctorum D. Patris IOANNIS CANTIJ relatione, adscripsit; hac verò peracta totum Censum ad Mensam redire voluit, & ordinauit. Atq; vt Academiæ, suumq; Nomen, ob Mathematicas disciplinas, quibus semper floruit, in tota Europa redderet celeberrimum, Astrologi Professionem laboriosam, Censu à tribus millenarijs, & Bibliothecâ selectissimâ, nec non instrumentis exquisitissimis recreauit. Viget vigebitq; odor Memoræ BROSCIANÆ suauissimus, quousq; Res ACADEMICA Polonaq; stabit: neq; hic solum laudum & grati animi, in terris, sed etiam in cælis, præmia beatitudinis dignissima reportabit. Ita enim vitæ suæ cursum sub SOLE IUSTITIÆ CHRISTO direxit, vt memor sui Stemmatidis honestis & candidis virtutibus & operibus adhæreret, turpibus exitio esset: Ita Mathematicis animum suum applicuit, vt præ oculis haberet pro CIRCINO, RATIONEM, pro REGULA, LEGEM DIVINAM, pro DISCO TERRÆ à Sole illuminato, GRATIAM DEI, pro VMBRA LVNÆ, PEC-CATA propria, pro PENVMBRA, de peccatis alienis  
partici-



participationem. Ita in sua statione se gessit in cunctos, vt boni illius ROSAS caperent, mali verò Spinas cauerent. Ac quemadmodum ROSIS innata & latens vis est sibi animos Principum conciliandi, & Scarabæos exanimandi, Pierio teste: Sic ille Rosarum suarum obtinuit virtute, vbiq; locorum diffusâ; vt propinqui eum colerent, hostes timerent, exteri cognitione, hospitio, literis dignum existimarent, præsertim FRANCISCVS BARBERINVS S. R. E. Cardinalis Eminentissimus, ipsiusq; Patruus VRBANVS VIII. Sanctissimus: Serenissimi REGES SIGISMVNDVS III. & VLADISLAVS IV. nec non Principes in ECCLESIA ac Re- pub. Polona Viri GEMBICIJ, TECZYNIJ, OPALINSICIJ, SZYSZKOVII, DANIŁOVICIJ, amicitia, fauore, consortio, præmijs donarent; Vniuersitas Cracouiens. suum semper repeteret, vendicaret. Sic igitur annorum, fauorum, meritorum, ac præcipuè virtutum plenus, vltimo vigore Diuinorum refectus, velut ROSA matura decidit, ECCLESIAE maiorem, Amicis luctum, Musis planctum reliquit. Ergò

**Dum cunctos TVBA fufcitet sonora:  
Da tunc CHRISTE Sibi  
Diem Serenum.**





DE ROSIS  
BROSCIANIS,  
Nouem Musarum, & Tri-  
um Charitum Vladisla-  
uianarum Planctus.

I.

*Vt ROSA præcipiti semper subiecta Procellæ:  
Eius sic Fato subdita vita fuit.*

II.

*Vt ROSA pungentes spinas enascitur inter:  
Arumnas inter, sic fuit ille satus.*

III.

*Vt ROSA purpurei speciem candoris adumbrat:  
Pectore sic cunctis candidus ille fuit.*

IV.

*Vt ROSA nectareos latè diffundit odores:  
Orbi sic eius gloria nota manet.*

V.

*Vt ROSA multiplici folio redimita nitescit:  
Hic præstans multâ sic probitate fuit.*

VI.

*Vt ROSA multorum fertur Medicina salutis:  
Sic hominum multis hic Medicina fuit.*

VII.

*Vt ROSA consuevit speciem præferre rotundam:  
Suadæ sic numeris ille rotundus erat.*



# VIII.

*Vt ROSA censetur fieri ἰφθαλμιδον αἰθῶν.  
Idem sic doctos inter ocellus erat.*

# IX.

*Vt ROSA Sole cadente, cadit nascente virescit:  
Ille calore suo sic recedente cadit.*

# I.

*Annua Vota cui MORTIS repetuntur, amatus  
A Barberino BROSCIVS iste fuit.  
Queris cur? Utriusq; docent Insignia: gessit  
Barberinus APES BROSCIVS ecce ROSAS.*

# II.

*Functus in Autumno fatis est BROSCIVS: Eccur?  
Autumni spoliant tempora flore ROSAS.  
Et quia Stemma ROSAS referebat BROSCIVS; illa  
Qua flos parte perit temporis, ipse cadit.*

# III.

*Dum foliis viduat pallens arbusta Nouember:  
BROSCIVS en Animâ tunc viduatus obit.  
Cur? Quia MORS gelida similis per cuncta Nouembri:  
Illa rapit vitam, sed rapit iste ROSAS.*

# IV.

*Tempore Diua Parens quo praesentata: IOANNES  
BROSCIVS hoc, dira MORTE peremptus obit.  
Scilicet illa Sacris se praesentavit; at iste (1666)  
Se sistit Superis, fert Animamq; DEO.*

# I.

*Vt bene transfigeret vitam, bene pectore fixa:  
O HOMO! complexus verba; MEMENTO MORI.*

# II.

*Vt recte (DOMVI DISPONE TVÆ geminabat:)  
Splendida dispositus semper ad astra foret.*

# III.

*Vt se Mortalem cognosceret, hac memorabat:  
Pulvis es, & terra, in puluerem abibis HOMO.*

# G

*Perillustri*



*Perillustri & Admodum Reuerendo Domino,*  
D. J V S T O S L O W I K O W S K I,  
Sac. Th. & Vtr. Iur. Doct. Canonico & Archi-  
presbytero Crac: Archidiacono Zauichosten:  
S. R. M. S E C R E T A R I O,

*ILLVSTRISSIMI & REVEREN: Dñi,*  
D. P E T R I G E M B I C K I,  
EPISCOPI CRAC: &c. Caufarum Auditori.  
&

*Excellentissimo & Admodum Reuerendo Domino,*  
D. ADAMO M Ł Y N K O W I C, Art. & Philosop.  
Doct. & Profess. Collegæ Maiori, Ecclesiæ Collegia-  
tæ S. ANNÆ Decano, Parocho Zielonec. &c.  
*Dominis, Dominis. Executoribus.*

*Qui B R O S C I A N I S annua floribus*  
*Heu! iusta M O R T I S soluitis inclyta.*

*Vos consequetur laus, ad ipsa*  
*Flammigero vehet astra curru*  
*Vos Fama. Vestros astrigere Domus*  
*Luētus Tonantis, tristia percipit*

*Et vota, tristes nemiasque*  
*Audiē, ac elegos. Peracti*  
*Decessit (heu!) fax, gloria seculi*  
*Et Phœbi ocellus, delictum nouem*

*Ingens Sororum, dulcis atq̃*  
*Gloria Pieridum, decusque*  
*Cui tulērunt plurima Cœlites:*  
*Cui dederunt omnia Gratia*

*Scientiarum dona censu*  
*Diuite, M O R S rapuit, locosa*  
*Lugete Musæ tundite pectora,*  
*Et cuncta Craci Numina Gymnasi*

*Lugete, Plūctus, tuquefunde*  
*Auriuagæ dominator Aula*  
*A P O L L O. Magni Præsulis Inclyte*



O SLOVIKOVĬ, Principis Arbiter  
 Quàm IVSTE, iustè iusta solus,  
 Annua, Funereoque iustos  
 Manes Cupresso contegīs, O Pia  
 Sunt ossa tantum quæ sibi Funeris  
 Sortita IVSTVM: Cui renident  
 Palladijs redimita Sertis  
 Phæbique Lauru tempora: Quem Sacra  
 Ornat facultas cuique Themis suum:  
 Pectus reclusit, vel recluso  
 In gremio fouet Alma iusti  
 Astræa Præses. Te sapientia  
 Vauellianis constituit iugis.  
 Virtusque, Te Sacri Senatus  
 Trina Patrum decorat Corona.  
 MLYNKOWIANIS Musa laboribus  
 Insiste, curas promito Pectine  
 Graues, molestiasq; pande  
 Funereis resonare sistris  
 Qui fata iussit. Vertice Porticus  
 Huic Stagyraeus nutat, & omnium  
 Phæbi Dearum, Phæbus ipse  
 Quem lepidum comitatur agmen.  
 O eruditi Lumina seculi  
 Laus vestra curret celsa per æthera.  
 Qui protulistis BROSCIANAS  
 Sponte ROSAS gelido TRIONI.

## Ad Roso-mastigen.

Difficilè est placere cunctis, nec autem deside-  
 randum vniuersis; maximè verò ijs; qui an-  
 tequam aliquid legerint, iudicium ferrè; & ante-  
 quam omnia reuoluerint, soliti sunt condemnare.

(Christoph. Wårßau. C.an. Crac.





Sub Fœlicibus auspicijs,  
Clarissimi Domini, Dni.  
**GABRIELIS Ochocki,**  
Medicinæ Doctoris, Pro-  
consul: Cracouiensis, &c.  
Vniuersitatis Cracoui-  
**Vigilantissimi Rectoris.**

2. IX. 34







